

JOSEPHUS ²

VENDITUS.

TRAGŒDIA,

ACTA

LUDIS PRIORIBUS

ANNI MDCLXXXVIII.

In Regio LUDOVICI MAGNI Collegio
SOCIETATIS JESU.


Auctore GABRIELE FRANCISCO LE JAY,
ejusdem Societatis Sacerdote.




PARISIIS,

Apud ANTONIUM LAMBIN, viâ Jacobæâ,
sub Speculo.

M. DC. XCVIII.
CUM PERMISSU.





ILLUSTRISSIMO VIRO
 CHRISTIANO FRANCISCO
 LAMONIO
 IN SUPREMO
 GALLIARUM
 SENATU
 PRÆSIDI INFULATO.



*Uem habere JOSEPHUS
 Patronum impensius
 ambiat, VIR ILLUSTRISIME,*
 ā ij

EPISTOLA.

quam eum , quem Æquitas ipsa tanto Reipublicæ commodo multos per annos patronum experta est ; Et quem ereptum sibi etiamnum doleret acerbius , nisi de patrono Æquitatis , ejusdem arbiter ac judex factus esses.

Fuit primis vitæ temporibus adeo infelix JOSEPHI conditio , malevolorumque odiis Et obtreccionibus ita obnoxia , ut , qui contra vim gratiamque patrocinaretur innocentia ipsius ac solitudini , haberet neminem.

At nunc meliorem illi sortem audeo polliceri ; si tuo

EPISTOLA.

frui patrocínio possit. Quin etiam, si minus bene defensus à nobis JOSEPHUS videretur; tu pro solerti tua perspicacia, & singulari equitatis studio faceres, quod in difficilioribus intricatisque controversiis factitatum à te Curia toties suspexit, ne quid ex formularum vitio ipsa causa bonitas detrimenti caperet.

Id igitur beneficii JOSEPHUS a te flagitat enixe, & orat, VIR ILLUSTRIS SIM E, ut adhuc patronum agere te causa sua, si res ita postulet, minimè pigeat. Tribues illud autem, uti sperat ille,

EPISTOLA.

*tum merito suo, tum nostræ
erga te observantiæ, quam fo-
re perpetuam ex animo prosi-
tetur,*

VIR ILLUSTRISIME;

Tibi deditissimus, GABRIEL
FRANCISCUS LE JAY,
è Societate JESU.



P R Æ F A T I O .

PRODIT iterum Josephus in theatrum, non, ut ante, matura jam ætate vir, & acceptas olim injurias agnitis fratribus amanter indulgens; sed junior adhuc, & fraterna invidia venditus.

Hunc saltem habuit calamitatis suæ fructum Josephus, dum luctuoso illo apparatu exhiberetur in scena, ut frequenti lectissimorum hominum conventu, plurimorum animos commoverit; e quibus aliqui pro sua apud me auctoritate fe-

P R Æ F A T I O.

cerunt , ut priori Josepho , quem exhibuimus in gratiam cum fratribus redeuntem , alter iste ab iisdem proditus jungeretur.

Nota est ex sacris litteris historia. Josephus Jacobi ex Rachele filius , cum plus ceteris fratribus amaretur a patre , magnam eorum in se concitavit invidiam : ad quam cum accessissent novæ ex enarratis somniis , quæ Josephus viderat , odiorum causæ ; statuerunt illi primum fratrem occidere. Mox dissuadente Rubeno , cum Josephum in cisternam deiecissent , eundem postmodum hortante Juda Ismaëlitis vendiderunt.

Tribus hæc tragœdia Actibus circumscribitur : sic enim

P R Æ F A T I O.

res ipsa , quæ exhibetur , postulat : cum sit illa ejusmodi , ut , ad plures actus si extendatur , celerem satietatem haud dubie scena sit habitura.

Hic verò trium actuum modus , quamvis neque a veteribus , neque a recentioribus usurpatus esse in tragœdia videatur , ipsa tamen actionis Dramaticæ natura & conditione nititur. Constare enim verò illam tribus omnino partibus Aristoteles auctor est , principio , medio , atque fine. Quæ si totidem planè Actibus repræsentari commodè possint ; adeo ut suam actus quisque partem integram exhibeat , quis demum id reprehendat ? cum præsertim illa brevitās occurrat ei fastidio , quod est sæpe con-

P R Æ F A T I O.

junctum cum Episodiis, hoc est cum narrationibus illis aut eventis extra argumentum assumptis, quibus actuum quinque tragœdia interdum non caret.


Nihil hîc porro adjectum est historicæ veritati, præter unum Rubeni somnium; quod introïtum Dramati ita sufficit, ut inde Josephi fratres occasionem arripiant suos de Josepho sensus proferendi liberius, & ejusdem interficiendi consilium capiant. Nec caret autem omni similitudine veri hoc somnium; quippe quod accidisse Rubeno jure credi ex eo potest, quod in Josephum conjurasse fratres inaudisset.

Potueret etiã suæ Jacobo partes in hac fabella tribui absque

P R Æ F A T I O.

nullo metu reprehensionis ; cum minimè fidem superet, post missum à se ad fratres quæritandos Josephum , senem veritum , ne quid infortunii eidem a fratribus accideret , quos ei sciret infensos , quadam quasi præfagitione admonitum fuisse , ut discedentis a se Josephi instaret ipse se vestigiis.

Restat ad complectendam totam Josephi historiam , ut hæc quoque pars vitæ prodeat , quæ solutum vinculis , egressumque e carcere , ac totius Ægypti administrationi præpositum repræsentet : quod quidem argumentum , si Deus faverit , etiam in theatrum dabimus , ne quid omissum a nobis hac in parte videri possit.



ACTORES.

JACOBUS undecim filiorum parens.

FILII JACOBI

EX LIA.

RUBENUS,	SIMEON,
LEVI,	JUDAS,
ISSACHAR,	ZABULON.

EX RACHELE.

JOSEPHUS.

EX BALA.

DAN, NEPHTHALI.


EX ZELPHA.

GAD, ASER.

MERCATOR Ismaëlita. HIRAS nuncius.

SCENA

In Agro Dothain Chananzorum.





*Extrahentes eum de cisterna vendiderunt
Ismaelitis. Gen. 37.*

M. Corneille pin.

J. Mariette Sculp.



ACTUS PRIMUS.

SCENA PRIMA.

RUBENUS

In gramine dormiens ac somnians.

ECQUID paratis? non pudet tantum
scelus



Agitasse, Fratres? ... non feram; attestor
Deum;

Josephè, nullum teste me fiet nefas,

Ne dum volente... ficcine... ah!... quod
vos furor?

Per, si qua pietas: Gad, Levi, Simeon, Aser, &c.

Huc ferrum & iras ferte; supplicium luat

Rubenus; odia placet effusus cruor;

A

* *Evigi-* At innocenti parcite... *Eheu! quid loquor?
lat.

Ubi sum? ...quis artus horror attonitos quatit,
 Hebetatque sensus? ... Vanus illufit ſopor:
 Nihil pericli eſt; vigilo ... proh! qualem mihi
 Se ſe videndum frater infelix dedit!
 Meminiſſe refugit animus; & quamquam
 gravi

Cura ſolutus, aliquid etiamnum timer,
 Dirumne quiddam viſa per ſomnos canunt
 Portenta? triſte fallat augurium Deus.
 Sed aperta terrent odia, . . . Joſephum malus
 Vetuſque dente livor inviſo petit? . . .
 Quò ſuſpicaces diſtrahunt animum metus?
 Male ominari parce; vel tales piget
 Verſare ſenſus; tanta, ſic equidem reor,
 Fraterna nunquam in corda barbaries cadet..
 At ecce fratres concito accelerant gradu:
 Auditus indo, ſenſio, attonitos ſonus
 Excivit, & me, quid velim, cupidi parant
 Rogare: belle eſt; ſi quid abſtruſum tegant,
 Tacitive puero forte meditentur malum;
 Qua ſciſcitari liceat, inveni viam.

SCENA SECUNDA.

RUBENUS, LEVI, SIMEON,
GAD, ASER.

SIMEON.

Quid est, Rubene? quid ope fraterna
indiges?

Vicina latè nemora, rupeſque & lacus
Sonuere planctu flebili; eloquere; adſumus
Prompti ſubire quamlibet pro te aleam.
Quæ te remordet cura? quid quereris?

RUBENUS.

Nihil.

LEVI.

Sed ille ſolitus præter inficiens genas,
Turbaſque pallor ora, diſſimules licet,
Loquitur, Rubene.

GAD.

Numquid exiliens ſpectu
Somno occupatum forſan invaſit fera?
Nil te fateri pigeat.

Aij

A S E R.

Hic certe metus

Vel in virum quandoque constantem cadit,

R U B E N U S.

Fatebòr equidem , placida cum fessos quies
 Pressisset oculos , ægra sollicitos metus
 Fecere monstra , somnum & excussit pavor.
 At propria non me causa, sed capiti imminens
 Incendit animos grande fraterno malum.

S I M E O N.

Quid loqueris ? cheu ! dura quem tandem
 petant,
 Vel quid minentur fata, quamprimum doce.

R U B E N U S.

Confide , Simeon , Fratris in tuto est salus ;
 Cessit periculum : pulsus ex oculis sopor ,
 Simul & timorem pepulit.

A S E R,

Hoc demum juvat ,

Rubene , cùm nocere jam nequeunt mala ,
 Eadem intueri propius.

5
RUBENUS.

Æternis , precor ,
Hæc premere tenebris liceat.

G A D.

An fratri invides
Blandum hoc levamen, frater; ut facti memor,
Tibi ille , nostrum quisquis est , grates ferat;
Quas tanta pietas , tanta promeruit fides ?

RUBENUS.

Omitte ; fratris nota jamdudum indoles ;
Acui nec istis indiget stimulis amor.

LEVI.

Parce ipse , frater , nec tere ulterius moras ;
Dum nostra differs gaudia , irritas magis.

SIMEON.

Imo , imo : gravius quisque sibi metuit ma-
lum

Quodcumque nosti , dum taces.

A S E R.

Fare , obsecro,
Rubene; & ultro, quod petunt cuncti, annue.

RUBENUS.

Nil vos morabor ; quando sic libitum est,
loquar.

A iij

Dum læta pascunt arva lanigeri greges ;
 Fagi sub umbra stratus agresti toro
 Blandum otiabar : vultus in somnum cadit ;
 Et fessa cervix capite submisso labat.
 Mox dira species interim se se objicit ,
 Turbatque mentem : proximo exurgens specu
 Hinc inde subito multa Josephum fera
 Circumstat, avidisque immerentem dentibus :
 Lacerare , & alvum condere in vastam parat.
 Me rigida pueri fata , me fratris vices
 Somnos vel inter, ut potens amor est, movent..
 Accurrere ultro visus , & voce ac manu ,
 Quacumque fas est , funus indignum arceo..
 At frustra in omnes unus obluكتور feras ,
 Jam cedo ; fratrum tunc ego inclamans opem ,
 Evigilo : somnus & timor pariter fugit..

S I M E O N.

Utinam feras pavisset invisus puer !
 Nec falsa nobis gaudia illudens sopor
 Dedisset !

R U B E N U S.

Aures quis mihi læsit sonus ?
 Hæc vota facias ?

L E V I.

Quid juvet tanto ambitu
 Vovere, vel quid veniat optandum magis,
 Quàm si cruenta raptus, ut meruit, nece
 Puer protervus liberet fratres metu?

R U B E N U S.

Heu ! quid ais ?

G A D.

O si medius immanes lupos
 Inter, vel urfos parte sylvarum avia
 Mihi se obtulisset ! ut ego terribiles feras,
 Avidam ut cruoris ipse stimulassem sitim !

A S E R.

Ut monstra desint ista, nil, frater, moræ est :
 Meus hic ferarum mucro præstabit vicem.

R U B E N U S.

Ah ! parce. Quo vos odia lymphatos agunt ?
 Hæc sapere fratres deceat, hæc deceat loqui ?

S I M E O N.

I, perge, frater ; turpe servitium exhibe
 Major minori, quando servire haud piget.
 Da somniorum compos, & voti reus
 A. iiii.

Josephus ut sit : sequere fraterni impetum
 Amoris ; insta , rumpe difficiles moras ,
 Etiam antevertite fata : nos domini pudet
 Et servitutis.

LEVI.

Hic mihi sensus placet,
 Hic animus : & quocumque res vertat, jugum
 Excutere certum est.

G A D.

Macte : properato est opus ;
 Frater ; timoris ni statim causam amputas ,
 Sero venit medela , cum crevit malum.

LEVI.

Confide ; si qua se mihi pandet via ,
 Violata fratrum jura quid possint , sciet.

RUBENUS *seorsum.*

Quæ laxa queritur jura !

A S E R.

Nobiscum adforet
 Utinam ; paternis dum procul laribus greges
 Agitamus.

SIMEON.

Oculis nempe dilectum magis

Vitaque puerum longius patiens ferat
Abesse genitor ?

G A D.

Turba dum fratrum exulat ;
Ut ille patrio pendulus collo interim ,
Tenerosque solus inter amplexus senis.
Secura captat gaudia !

A S E R.

Hæc furtim aucupans
Puer malignus tempora , imponit patri ;
Turpique fratrum nomen aspergit notâ.

L E V I.

Nec inane tanti præmium sceleris tulit
Delator : isthæc tunica, qua fratrum in grege,
Velut inter ignes luna nocturnos micat ,
Convictorum scilicet merces fuit.

R U B E N U S *seorsum.*

Proh ! quanta livor degener cudit mala !



SCENA TERTIA.

RUBENUS, SIMEON, LEVI, GAD,
ASER, DAN, NEPHTHALI.

DAN.

O Læta demum fata ! votorum caput
Attigimus : odiis ponet hic finem dies,
Metusque solvet.

LEVI.

Fare, quid portas novi ?

DAN.

Sperare quem vix liceat, inopinum fero
Vobis mihiq̃ue nuncium : en se se objicit,
Et sponte nostros properat in casses fera.

GAD.

Aperta loquere, frater, & mentem explica.

DAN.

Tumulo e propinquo visus, & celerem
gradum

Josephus ad nos urget, haud quisquam ad-
ditus

Puero viarum socius aut fidus comes.

Exigere pœnas si lubet, facilis datur;
Quem postulamus esse vindictæ locum.

RUBENUS *seorsum.*

Tutor piorum fulmen averte, ô Deus !

NEPHTHALI.

Eia agite, Fratres; nostra nunc se se explicent;
Palamque monstrent odia : moriatur puer;
Meritoque tandem somnia exitio luat.

ASER.

Ad omne facinus, ne time, quotquot sumus;
Habes paratos.

LEVI.

Causa communis fidem,
Animumque poscit, atque communem ma-
num.

SIMEON.

Laus prima facti, me manet primum decus.
Ibo, ibo; ne vos pigeat auctorem sequi.

RUBENUS.

Ah ! video : pueri fata jam pridem ultima
Jurastis : iste crevit ex longo furor,
Vitam innocentis qui petit.

GAD.

Nempe innocens.

Iosephus ?

RUBENUS.

Ecquod, dicite, admisit nefas?

Quid impotentes armat in fratrem manus?

LEVI.

Invisa nobis somnia obtrudat puer

Impune?

SIMEON.

Veri scilicet si quid crepat,

Acerba fratres servirus, regnum hunc manet.

RUBENUS.

Nam cur malignam somnia in partem trahis?

SIMEON.

Non ergo reliquos undecim clatus super

Pueri manipulus, ista designat satis?

Non Luna Matrem; Solque significat Patrem?

Undena Fratres astra; quæ puerum colunt,

Et somniantis prona venerantur pedes?

Ad hæc reservor?

RUBENUS.

Somnia incutiunt metus;

Simulacra veri casta, quæ mendax sopor

Extudit, & orta protinus pellit dies?

L E V I.

Tamen hinc superbit pufio; hinc grandes gerit
 Animos, & altas spes fovens jam tum in finu.
 Etiam in parentes regium affectat decus.

R U B E N U S.

Id quereris ? hoc tu seriò fratri objicis ?
 Sic notus animus , sic tibi nota indoles ?
 Quin agite potius ; redeat in mentem, precor,
 Ut docilis ultro , candidus , comis , bonus ,
 Ut fraudis expers subdolæ , & blandum
 obsequens ,
 Fraternal placidus sæpe pertulerit probra !

G A D.

Hac nempe larva tectus , hoc fūco nitens
 Puer dolofus , credulum captat patrem ;
 Fidemque probis atque maledictis facit.

R U B E N U S.

Vox fi qua, Fratres, temere Jofepho excidit;
 Peccavit ætas; animus at culpa vacat.
 Scrutatus ipfe cordis arcanos finus ,
 Vidi & videre placuit, ut pietas, fides,
 Sincerus ut fe prodat in fratres amor !

Omitte, certis odia patuerunt notis.
 Sed nosse gratum est: ille placuisset minus.
 Si nos amasset: nostra nil deinceps vetat
 Explere pariter odia, dum certa ultio est,
 Dum fas nocentem perdere.

NEPHTHALI.

Et lentī moras

Trahimus inertes? ire in occursum juvat;
 Ne praeda nostras forsā effugiat manus.

GAD.

Rectè admones, camus. . . .

RUBENUS.

Ergo sic ratum est,

Peribit? . . . Et vos cura nil retinet patris?
 Pensate, quantus obruet miserum dolor;
 Cecidisse fratrum scelere cū natum audiet.

DAN.

Fingemus illum pessima absumptum ferā.

RUBENUS.

Fingetis? . . . Eheu! grande solamen mali,
 Dum misera sobolis fata lugebit parens,
 Si nosse luctus nequeat auctores sui!

DAN.

Ille, ille fructum pariet ingentem dolor.

RUBENUS.

Quis ille fructus?

DAN.

Et patrem & nos eripit

Iusta peremptus morte Josephus jugo.

RUBENUS.

Eriam nefanda præmium impietas petit?

Spes hæc nocentes ludat? ah! potius graves

Timete pœnas: aliquis est cœlo Deus:

Idemque fieri prohibet ac plectit nefas.

SIMEON.

Abstiste: frustra es; plura ne incassum objice,

Adeste, Fratres.

RUBENUS *cunctos retinens.*

Ferrei, intractabiles,

Et rigida nimium corda! . . . Quanquam te

Levi,

Te care Simeon, vosque, si nondum excidit

Fraterna pietas tota, si superest amor,

Per ista supplex genua, quæ teneo, & meis

effundo lacrymis; quam precor, veniam
date.

Negatis? ... Ecquid flectitis retrò pedem?

Quid fugitis? ... ah! si fixum & immotum sedet
Puerum immerentem perdere: unum hoc,
obsecro,

Annuite saltem; parcite innocuas pio
Maculare dextras sanguine! ... en arens prope
Cisterna: ad imum fune demissus puer
Hic pereat, oro, quando sic libitum est, fame.

L E V I.

Bene est, Rubene; quod rogas demum, potes
Hac impetrare lege, nihil ultra ut petas.

N E P H T H A L I.

Properemus. ...

S I M E O N.

Ite; ne sit effugio locus,
Aditus viarum cingite; hic ego cum Levi
Nemorum in latebris interim excubias agam.

R U B E N U S.

Valete, jamjam redeo: vos facite interim,
Promissa nobis sedulò ut perstet fides.

SCENA IV.

SCENA QUARTA.

RUBENUS.

A Biere : cessit paululum evictus furor
 Indomita flexi corda... sed quanto stetit
 Inane munus ! conditum horrenti specu
 Eripere ni te nostra meditetur manus ;
 Heu ! te quid ensi barbaro creptum juvat :
 Miserum in latebris rabida dum perimet
 fames

At, si repentè primus erumpat furor ,
 Puerumque jugulent fallimur , dicta est
 fides ,

Violasse pigeat... ô amor ! ô quantos metus
 Moves amanti !... quo ferat ? ... Judamocyus
 Adibo : non sic ille Josepho invidet ;
 Ultroque tantum , spero , prohibebit nefas.

Finis Actûs primi.



B



ACTUS SECUNDUS.

SCENA PRIMA.

JOSEPHUS.

UBI sum ? .. morantes regio quæ fratres
habet ?

Vel quis receptos tam cito excepit locus ?

Hæc terra Dothain, quam vocant . . . at nullus est :

Et nemora præter nil mihi se se objicit.

Nam quo ferar ? quâ parte perquiram avios ;

Desertus , indefensus ? .. heu ! si me occupet

Inhospita inter resqua decedens dies ;

Mifero quis adsit , quisve perfugium paret ?

Actum est ; cruentis præda contingam feris.

Fit sonitus . . . inde fremuit immitis leo ,

Ferox vel ursus sæviit . . . Fratres , precor ;

Adeste , Fratres ... Nemo responderet, tremor

Pervadit artus , gelidus & sanguis coit

* Ecce , ecce , perii , gemina prorumpit fera ;

Quid agam ? vel ubi ? . . . me me petunt . . .

* *Vides Simeonem & Levi prodeuntes è latebris , quos intrens ,
putat se feras videre.*

SCENA SECUNDA.

JOSEPHUS, SIMEON, LEVI,

Prodeuntes è latebris.

SIMEON.

Fratres vocas ?

Adsumus.

JOSEPHUS

Eodem percussus metu fratres audit, nec tamen videt.

Adestis ? . . . igitur auxilium date . . .

LEVI.

Mora nulla

JOSEPHUS.

Fratres audio ; fratres tamen

Non video

B ij

SIMEON.

Fratres non vides ? . . . apage hinc metus:
Quoscumque simulas, subdole ac mendax
puer ;

Et ficta mitte somnia . . . agnosces brevi.

Qui simus.

JOSEPHUS

Fratres. videns. & agnoscens.

Oculos nam quis obductos malus :

Hebetabat error ! . . . parcite , illudit nimis ,

Sensusque longè tenuit averfos pavor.

Nunc fratrum amicos nube depulsâ procul :

Agnosco vultus : monstra fugere horrida ;

Me vestra pietas , vestra servavit fides ;

Nemorumque latebris retudit immanes feras.

Ah ! finite , Fratres , involem utriusque in si-
num

Animique memoris , quas licet , grates agam.

SIMEON.

Accedente ad ipsum Josepho.

Omitte : procul hinc amove invisum caput.

LEVI.

Accedente ad eum Josepho.

Abominando me cave amplexu petas.

JOSEPHUS.

Punire, video, placuit injustos metus;
 Quos ora fratrum blanda debuerant statim
 Repulisse...timui, fateor, at facti piget;
 Ignoscite..

LEVI.

Imo, jam time; justas habes
 Causas timoris; adsumus trucibus feris.
 Magis timendi..

JOSEPHUS.

Adestis, & quidquam reat
 Mihi timendum? prodeat. sævus leo,
 Ursusve minitans adsit, aut acer lupus:
 Ultro feroces provocem impavidus feras.

SCENA TERTIA.

JOSEPHUS, SIMEON, LEVI, GAD,
 DAN, NEPHTHALI, ZABULON,
 ISSACHAR.

ZABULON.

QUâ lapsus oculos lusit attentos via?

ISSACHAR.

Nihil moramur ; captus est tandem.

DAN.

Novas

Meditetur artes , verſet aſtutus dolos ,
Noſtraſque fugere , ſi poteſt , tentet manus.

JOSEPHUS.

O placida demum fata ! nunc fratres datur
Videre , nunc & jungere amplexus licet.
Jam pæne medii ſpatia ſol obiit poli ;
Ex quo per agros ſolus & ſaltus vagor
Cunctos requirens : agite , quo res ſunt loco ?
An læta vobis omnia ? an gregibus benè eſt ?
Memorate , fratres , obſecro : hæc patrem
anxium ,
Me , me iſta dudum cura ſollicitum tenet.

ISSACHAR.

Hæc ſciſcitari mitte ; ni malè ſit tibi ,
Bene eſſe nobis , pervicax puer , haud poteſt.

ZABULON.

Placida fruemur ſorte , cum meritis pares
Moriendo pœnas dederis.

23
D A N.

En tanto ambitur

Optata, Fratres, præda nunc tandem obtigit;
Quid adhuc morarum est?

G A D.

Nempe, dum ferrum calet;

Urgenda res est.

A S E R.

Agite; quid torpent manus?

S I M E O N.

Si nullus ambit inclytum facti decus,
Avidam ultionis primus-extinguam sitim;
Nec ista lentos dextera in pueri caput
Librabit ictus.

G A D.

Facinus egregium occupa;

Generose Simeon:

N E P H T A L I.

Morte dum merita cadat;

Nil interest, quacumque dispereat manu.

J O S E P H U S.

Vigilone? mentem ludit an mendax sopor;
Fratres?

ASER.

Et ista credit insulsus puer ;

Quæ nos minamur , somnia.

ZABULON.

Actutum scies ;

Quid vera inani somnio distent mala.

JOSEPHUS.

Heu me ! quid egi ? vel quod ulcisci nefas

Paratis ?

NEPHTHALI.

Etiam crimen admissum , reor ;

Negabit ?

JOSEPHUS.

Ecquod , Nephthali , loqueris scelus ?

Vel increpare parce , vel crimen doce.

ISSACHAR.

Crimen petis , superbe , dum fusos humi

Fratres , tuisque pedibus allapsos premens ;

Cunctis verendum scilicet tollis caput ?

Dum sancta violas jura , dum matrem &
patrem.

Pietatis osor impius subdis jugo ?

JOSEPHUS.

JOSEPHUS.

Me, me impotentem cœca dominandi fames
 Sollicitet ? & quem præpotens mundi arbiter
 Cunctis subesse voluit , impatiens regi
 Velim præesse ? testor arcanos sinus
 Imasque cordis , qui videt latebras , Deum ;
 Ego si quid

L E V I.

Ista nempe portendunt nihil ;
 Quæcumque jactas , somnia ?

JOSEPHUS.

Hæc vobis metum
 Fecere ?

Z A B U L O N.

Saltem facere ne deinceps queant ,
 Moriere.

JOSEPHUS.

Frater id jubet ? fratrem emori
 Ferat Zabulon ? fallor ; hoc refugit scelus,
 Fraternal pietas.

I S S A C H A R.

Fingere etiam nos putat ,
 Protervus !

JOSEPHUS,

Heu me !

ISSACHAR.

Nil querelis est opus ;

Gemitus inanes pone.

NEPHTHALI.

Mutronem expedi ,

Simeon ; quid hæres lentus ?

JOSEPHUS.

Ad genua accido ,

Dilecte Simeon, vosque ; per si quid, precor,

Supereſt adhuc amoris , aut ſi quid fuit ,

Fratres , amicam rebus in miſeris opem

Annuite ; fratris parvuli inflectat dolor ,

Et iniqua moveant fata.

ZABULON.

Nequidquam rogas ,

Ratum eſt : peribis.

DAN.

I , puer , patrem pete ;

Et iſta , quæ mox vulnera excipies , refer

Delator.

JOSEPHUS.

Ah ! si quidpiam temerè excidit ,
 Nocens videri lingua , non animus potest.
 Misereſcite ; .. iterum liceat ad ſacros pedes
 Procidere , Fratres , ſupplicem , & tristes
 minas

Superare lacrymis ... liceat ...

NEPHTHALI.

Ah ! tandem ſile ,
 Et morere : inani tempus alloquio teris.
 Rem perage, Simcon ; ocyus ferrum, ocyus :
 Puerum loquacem perime : dum medio tenus
 Letale telum pectore immerges, ego ,
 Ne fortè nutet victima , aut ictum exeat ,
 Siſtam, ac tenebo. Tu, Levi, fratrem adjuva:
 Dextram parumper ſuſtine.

G A D.

Hac vivum prius
 Spoliare tunica liceat. ... * Inviſum exue
 Sceleris nefandi munus , .. hoc pretio juvat
 Illinere turpem moribus fratrum notam ,
 Conviciator ?

* Ad Jo-
 ſephum.

JOSEPHUS.

Dederat hanc vestem Pater :

At nil morarum est , obsequor : tunicam
lubens

Depono ; triste pereat odiorum caput :

Et vestra pariter odia cum tunica queant

Petire !

SCENA QUARTA.

JUDAS, JOSEPHUS, SIMEON, LEVI,

ISSACHAR, ZABULON,

NEPHTHALI, GAD, DAN, ASER.

ASER.

Judam video :

SIMEON.

Ut optato advenis !

Facinus quod instat, te quoque actorem petit;

Nec cadere merito debuit leto puer

Absente Juda : commoda præsens manum ,

Ferrumque gremio conde.

JOSEPHUS.

Tu potius mihi

Placare ; tu spes una : qui solus potes,
Arcere , frater , triste ne pigeat malum.

D A N.

Etiam obloqueris , perfide ?

J U D A S.

Hic siquidem nocens ;

Reusque mortis visus est ; pœnas luat,
Mortemque subeat meritis:at puerum tamen
Violare ferro parcite ; hanc repetit fidem
Rubenus.

JOSEPHUS.

Heu ! cur non ades , si nos amas ,

Rubene, vel ubi es ? tene sic miserum decet
Deserere fratrem ? Vos per absentem precor,
Annuite veniam supplici & vitam date.

S I M E O N.

Si non adactus pectori vitam eripit
Cruentus ensis , munus hoc fratris puta,
Et habe Rubeno gratiam: at brevis est mora:
Cisterna peragat ista , quod refugit manus :
Altoque clausum sub specu perimet fames.

C iij

JOSEPHUS.

Sic parcitis ? . . . sic fratris afflictī piget ?

Hoc sibi Rubenus gratiæ apponat loco ?

Proh ! sancta pietas ! Fratris ah ! novi
indolem ;

Nil tale jubeat , tale nil patiens ferat

Rubenus.

LEVI.

Erras , patitur ; & factum approbat.

JOSEPHUS.

Et vos parentis cura nil , fratres , movet ?

An & ipse lentus discet admissum nefas ?

Vos per verendum rursus & sanctum precor

Nomen parentis , perque . . .

LEVI.

Cur patrem invocas

Moriture ; patris sancta quem damnat salus ?

Si vivis , esse genitor incolumis nequit.

JOSEPHUS.

Bene est , abunde est : fuerit in lucro mori ;

Dum patria constet sobolis exitio salus.

Quid misera placeat vita , si noceat patri

Quod vivis ? .. agite porro , quantumvis graves

Statuite pœnas , quidquid est , ultro feram.
 Meliora vobis cardine hoc rerum ultimo
 Tamen precabor ; agite securos dies ;
 Nil vestra turbet gaudia : creptos mihi
 Placatus annos annuat vobis Deus.

D A N.

Vota hæc placent ; sed ista debueras prius
 Fecisse vota.

S I M E O N.

Nephthali, faxum amove ;
 Clausumque pateat ostium.

N E P H T H A L I.

Nulla est mora ;
 Moles at illa gravior , ut solus queam ,
 Nisi vos adestis :

L E V I *ad fratres.*

Nos quoque hic spectat labor
 Instemus operi pariter.

G A D *ad Nephthali.*

Hem , lævam tene :

Ego hic manebo ; tu, Levi, dextram occupa :

A S E R.

Ast ipse primum , qua lapis rimas agit ,
 Pedum inseram.

G iiij

NEPHTHALI *ad Aser.*

Eia , sequere.

ASER.

Conatus interim ;

Dan , adjuva.

GAD *ad Aser.*

Urge.

LEVI *ad Dan.*

Sustine.

NEPHTHALI.

En aditus patet.

GAD , *postquam inspexit in cisternam :*

Depressa cavea , stupeis vinclis opus ,

Queis illigatus ima pertingat puer.

SIMEON *solvens zonam.*

Hæc ipsa , frater , zona quæ cingit latus ,

Confide , funis commodè implebit vicem.

GAD.

At illa , Simeon , brevior.

DAN *solvens pariter zonam.*

. Adjungo & meam ;

Amica nimium zona ; meliores , reor ,

Tu nunquam in usus servies.

LEVI.

Ades huc , puer.

JOSEPHUS.

Adsum :

LEVI *ad Josephum.*

Lacertos tolle ... Dan , medio semel

Iterumque zonam pectori circum illiga.

DAN.

Peracta res est.

LEVI.

Duplicem in nodum utraque

Extrema coëant , nexus ut solvi queat ,

Demissus imam quando contigerit specum.

Vos hinc & inde , Nephthali , Simeon , Aser ,

Gad , Dan , cavete pendulum corpus labet.

SIMEON.

Ingredere caveam , pugio ; hîc tuto feras

Ridere poteris.

JOSEPHUS.

Ergo , fratres , ultimum

Valet.

SIMEON.

Tuque pariter extremum vale.



SCENA QUINTA.

JUDAS, SIMEON, LEVI, ZABULON,
ISSACHAR, NEPHTHALI,
GAD, DAN, ASER.

DAN *ad Gad.*

Actum est : patentis claude cisternæ of-
tium

Ne quis viator forte lacrymantem audiat,
Puerumque miserans flebili eripiat cavo.

ZABULON.

Nunc iste, Fratres, haud levis restat labor ;
Ne suspicetur facinus admissum pater.

NEPHTHALI.

Si fortè puerum genitor absentem petat ,
Dicemus : illum dira laceravit fera.

JUDAS.

At vetera, Fratres, odia suspectos dabunt.

ASER.

Infesta monstribus regio præstabit fidem.

JUDAS.

Sic faciat ! at enim suspicax res est amor ;
Et verus ut sit , vix sibi imponi sinat.

DAN.

Ne dubitet , hædi sanguinem tunica ebibat ;
Cruenta species credulo illudet patri.

JUDAS.

Et tu parenti nuncium illætabilem ,
Tristesque miseræ sobolis exuvias feres ?

DAN.

Vel ipse , vel quis alius , aut omnes simul.

JUDAS.

Ah ! frater , ah ! ne patrios quisquam audeat
Subire vultus ; consciæ mentis pavor ,
Animusque culpa plenus ut constet sibi ;
Frons , vultus , oculi , lingua recludent
 scelus.

NEPHTHALI.

Est in propinquo pastor : hunc Hiram vocant :
Haud vixit illo melior aut simplex magis.
Ferat is parenti nuncium , & tunicam offerat
Tinctam recenti sanguine.

JUDAS.

Hæc ipsi omnia

Peragite, Fratres ; interim mecum, Issachar,
Et tu Zabulon , oro , tantisper mane.

SCENA SEXTA.

JUDAS , ZABULON , ISSACHAR.

JUDAS.

SAtin' furores animus explevit suos ?

Satiata numquid odia?num tetro in specu

Fratrem perire , perfidi , immanes , feri

Patiemur ?... Ecquid, agite, Josephum juvar

Quacumque pereat morte , si demum perit ?

An culpa nosmet levior , an quondam minor

Premet nocentes pœna , quod puero ferus

Pepercit ensis , si fames miserum enecet ?

Siletis ! ... oculos tacitus incessit stupor ! ...

Factum improbastis , sentio : haud frustra
impotens

Dum quisque diris fureret in puerum modis,
Uterque lentas crimine abstinuit manus.

Z A B U L O N.

Equidem , fatebor , crimen infectum velim ;
At jacta nunc est alea , & retrò pedem
Referre , frater , non licet.

J U D A S.

Cur non licet ?

Z A B U L O N.

Servate puerum si paras , quanto objicis
Fratres periculo !

J U D A S.

Quod mihi timidus canis

Augur periculum ?

Z A B U L O N.

Nempe servatus puer

Celare factum , credis ut possit patrem ?

I S S A C H A R.

Sed esto ; veterum frater odiorum immemor
Obliterari facinus inyisum finat :

At quas minatur iste dormitor vices ,

Non fugimus ; imo pandimus fatis viam ,

Rursumque turpi colla subjicimus jugo.

JUDAS.

Confide ; tali , frater , occurrâi malo.

ISSACHAR.

Eloquere,

JUDAS.

Terras finite Josephus procul
 Migret in remotas ; patrios nunquam ut lares
 Deinceps revisat. Luce sic per nos frui
 Potis est , & omni liberat fratres metu,

ISSACHAR.


Referamus ista Fratribus,

JUDAS,

Saltem ah ! date

Certam experiri cardine hoc rerum fidem.

Finis Actûs secundi.



ACTUS TERTIUS.

SCENA PRIMA.

JUDAS, SIMEON, LEVI,
ASER, NEPHTHALI.

JUDAS,

ME me ista, Fratres, cura respectat;
labor

Meus ille fuerit: fidus adistam comes
Pucro, remotas donec ingressus plagas
Rursum ad paternam regredi nequeat
domum.

NEPHTHALI.

Periculosa, Frater, hoc plenum alex
Opus est; maligni novimus pueri dolos
Quascumque tandem profugus in terras eat;
Brevi recurret.

JUDAS.

Ne time : occludam vias :

Vel si secundo vota successu carent ,

Me genitor unum sceleris auctorem putet :

Huc vertat iras : perdat infandum hoc caput :

Unumque meritis ultor ad pœnas vocet.

SIMEON.

Abstiste , Juda ; vincis : haud ultra queant

Te stare contra , totque sollicitas preces

Jurata quamvis odia,

LEVI.

Grateur sibi .

Graviora meritis fata maleficus puer ;

Et noxiter unde parta proveniat salus.

JUDAS.

Hoc vestra pietas meruit ; & tanti memor

Josephusque muneris grates feret.

ASER.

Et nullus utinam munus impensum luat

Proprii periculo capitis ; & nimium pius

Non ipse fatis pandat ingratis viam.

JUDAS.

JUDAS.

Male ominari parce . . . cisternæ ostium

Recludo : vos * huc , oro , tantisper manum ** Ad Aser & Nepht.*

Ne commodare pigeat.

A S E R.

An laqueos feram

Sic fugere ?

NEPHTHALI.

Durum est obsequi : obsequimur tamen.

S I M E O N.

Dum Judas , Aser & Nephtali lapidem remouent.

Nescio quid animus triste, funestum occinît,

Et abstinere tacitus incœpto jubet.

L E V I.

Hoc ipse pariter sentio ; at dedimus fidem.

JUDAS.

Josephe . . . * sta . . . Josephe

J O S E P H U S *e fundo cisterna.*

Nam quis me vocat ? ** Ad Nephtali se inclinantem ut in cisternam introspiciat.*

JUDAS.

Josephe . . .

J O S E P H U S.

Quis ades ?

D

JUDAS.

Ne time.

JOSEPHUS.

Eheu ! quid jubes ?

Dum morior.

JUDAS.

Imo vive :

JOSEPHUS.

Quis vitam imperat ?

JUDAS.

Judas.

JOSEPHUS.

Amicum nomen ! at fratres mori

Jussere.

JUDAS.

Nil jam tale mutatis placet :

Fratri sed ultro lucis usuram annuunt.

SIMEON.

Dic , dic coactos potius.

JUDAS.

Ah ! Simeon , precor..

JOSEPHUS.

Id esse credam , Frater ?

JUDAS.

En fidei obfidem

Josephe , dextram porrigo : oblatum cape
Funem, & profundo te specu actutum eripe.

JOSEPHUS.

Parebo . . . funem tenèo ; si saluum cupis ,
Redivivum in auras pertrahe. * Retrahitur Josephus e cisterna.

LEVI *seorsum prodeunte Josepho.*

Invisum caput

Aspicio !

SCENA SECUNDA.

JUDAS , SIMEON , LEVI , ASER ,
NEPHTHALI, JOSEPHUS.

JOSEPHUS.

Rursum lucis affulget jubar ,
Nec spes salutis tota delusum fugit !

Ah ! patere amicam , Juda , ut amplectar
manum ;

Quæ me sepultum mortis eduxit sinu ,
Blandumque vitæ munus indulgens dedit.

D ij

JUDAS.

Sunt illa fratrum merita quod vivis : tibi
 Fraternal pietas parcat ; impensam memor
 Refer huc salutem , quamque promeruit ;
 parem
 Statim repende gratiam.

JOSEPHUS.

Antiquam fidem

* *Accedit ad fratres* Agnosco : * vos & amoris hunc cumulum
 addite ,

* *Rece- dunt fra- tres , & ora ver- suns,* Amica dextris pariter ut figam oscula . . . *
 Fugitis , & ora subtrahitis ?

SIMEON.

Apage hinc puer ,

LEVI.

Noli molestus esse

JOSEPHUS.

Non vestras manus

Mifero osculari liceat ? heu me ! quid
 putem ?

Ah ! video , feci temere : non tales decent
 Sensus nocentem. Debui infelix prius

Ad vestra cadere genua : supplicibus pedes
 Rigare lacrymis : debui impressas solo
 Prono osculari capite plantarum notas.
 Ignoscite ultro , parcite : impensus favor
 Amorque , Fratres , spiritus tantos dabat.

A S E R.

Procul hinc , puer , facesse , nil tecum esse
 super

Commune nobis : amove incestas manus ;
 Et abominandum deinde ne objectes caput :

J O S E P H U S.

Quid loqueris , ô Aser ? quale sollicitas ferit
 Mihi fulmen aures ? . . . Itane mutatos ais ,
 Dilecte Juda ? sic meus fratres dolor
 Inflexit....heu me !..vita quid miserum juver,
 Nisi pulsus animis redeat , & constans amor
 Inimica vincat odia ? Vel geminum , precor,
 Cumulate munus ; alterum vel si ratum est
 Auferre , utrumque rapite : .. nil leti piget :
 Repetam latebras ; vester haud potui haecenus
 Vixisse , saltem vester hinc possum mori.



SCENA TERTIA.

JUDAS, JOSEPHUS, SIMEON, LEVI,
ASER, NEPHTHALI, ZABULON.

ZABULON.

VOs si qua pueri cura sollicitos adhuc,
Fratres, remordet, lucis usuram date ;
Ne deinde noceat , facere vel possit metus ,
Dum vivet, ecce , credo, provisum est satis ;
Si consulentem sana non pigeat sequi.

SIMEON.

Effare :

ZABULON.

Votis ipsa fors aperit viam ;
Ab Ismaëlis fortè digressus solo
Se se obtulit mercator Ægyptum petens ,
Arabumque varias quas vehit portans opes.
Puerum ille pariter exteras secum ferat
Ducendum in oras ; hunc reor servum sibi
Ultro volensque coëmet.

L E V I.

O lætam nimis

Sortem ac beatam ! valeat , & terras procul

Tandem in remotas profugus æternum
exulet.

N E P H T A L I.

Ubi , ubi est , Zabulon , ille qui collum
premat

Puerique meritis vinculis oneret manus ?

Z A B U L O N.

Illum in propinquo , certa dum fratres
dabunt

Responsa, retinet Issachar.

A S E R.

Quin tu ocyus

Accerfis ; hæc est summa votorum omnibus ,

Nos ut molesto puer hic aspectu lever.

Z A B U L O N.

Reducem videbis postmodum , atque una
comes

Mercator aderit.



SCENA QUARTA.

JUDAS, JOSEPHUS, SIMEON, LEVI,
ASER, NEPHTHALI.

SIMEON.

Ista debueras tibi

Non canere nobis fata , dormitor ; vices
Mutamus ; i nunc , disce servitium pati ,
Herique patiens ferre dominantis jugum.

JOSEPHUS.

Parum exulare est nempe, servitium imperas ?
Gens nostra , frater , libera ; alienum nequit
Subire frenum.

SIMEON.

Viden' ut elatos puer
Magnisque dignos spiritus animis gerat !
Tamen , superbe, servies.

JOSEPHUS.

Domini pudet ;
Non servitutis : .. agite : nil, fratres , moror :
Servire

Servire vobis liceat : æternam fidem
 Accipite: quod vis promptus obsequium feram:
 Nil deprecabor oneris , aut gravius querar ,
 Quem jussa cumque vestra famulatum
 exigant.

At cur amico fratrum ab aspectu trahor ?
 Cur & pudendos exteri jussus heri
 Subibo ? Tantum capite fraterno probrum
 Eximite , Fratres , oro ; per quidquid pium
 est,
 Per dulce fratris nomen . . .

LEVI.

Ah ! cessa obloqui :
 Fratris nec ultra nomen usurpes , cave.

JOSEPHUS.

Et hoc jubetis ? . . . obsequi sedenim vetat ,
 Quæ nomen istud scripsit in corde altius
 Natura.

LEVI.

Nos jubemus.

JOSEPHUS.

Eheu ! Dura lex !
 E

L E V I.

Mox aderit emptor; si tibi quemquam excidat
Vocare fratrem; protinus linguæ impetum,
Mors verbo in ipso plectet.

J O S E P H U S.

Ut fileam, tamen

Nec esse frater nequeo; nec amorem licet
Abjicere fratris: sæva quocumque egerint
Me fata, fratres usque præsentem geram
Animis, sub alto semper astringam sinu.

J U D A S *seorsum.*

Animosa virtus! digna meliore indoles
Gaudere fato!

J O S E P H U S,

Tuque, supremum alloqui,
Rubene, quando non datur, longum excipe,
Quod lingua tentat dicere absenti, vale....

*Act. den
ad. dam*

* Si nostra gravius fortè miseratus mala
Quandoque natum doleat extinctum pater,
Te, care Juda, gratiæ hunc cumulum precor:
Lacrymas parentis reprime & luctus leva.

J U D A S *seorsum.*

Miserande juvenis!

NEPHTHALI.

Issachar prodit, redux

Sequitur Zabulon, atque Mercator comes.

SCENA QUINTA.

JUDAS, JOSEPHUS, SIMEON, LEVI,

ASER, NEPHTHALI, ZABULON.

ISSACHAR, MERCATOR.

ZABULON.

A Deste, fratres; commodum emptorem offero.

MERCATOR.

Salvete.

ASER.

Nos & pariter optamus bonam

Tibi salutem.

MERCATOR.

Quas decet grates fero.

Ubi ille servus?

E ij

NEPHTHALI *ad Josephum.*

Huc puer . . . jam tum incipe
Herum hunc vereri.

MERCATOR.

Vendere hunc servum lubet ?
Quot natus annos ?

ISSACHAR.

Lustra numeravit tria ;
Quantum inchoare cœpit.

MERCATOR.

Haud constat satis ,
Quod ferre domino tantula obsequium queat
Pueri juventus ; quamlibet molem impares
Humeri recusent.

ISSACHAR.

More consueto facis ;
Legum hæc tuarum prima , quod emendum
datur ,
Despicere.

MERCATOR.

Meritas absit ut puero velim
Detrahere laudes : sed age, num tales molam

Verfare possint, premere vel aratrum manus?
 An si per agros fortè lanigerum pecus
 Ducat, cruentos ovibus arcebit lupos?

ISSACHAR.

At ille domino majus obsequium suo
 Major repender. Interim tardos bene
 Compensat annos ista quæ toto nitet
 Diffusa puero gratia; ut vultu pudor
 Ingenuus, oculis casta simplicitas natat:
 Viden', ut ab ipso blandus exspiret lepos
 Tacentis ore? plura sed latitant tamen;
 Animique dotes corporis vincunt decus.

MERCATOR.

Sic tu vicissim more vendentum facis;
 Majusque rebus, quam licet, pretium arrogas.
 Sed ecce jam sol pronus oceano ruit:
 Properemus: urbi proximæ redddi velim,
 Nox ante toto quam fuget cælo diem.
 Ut multa paucis: offero siclos decem;
 Meusne puer est, dicite:

ZABULON.

Hoc pretio tuus?
 E ij

Non duplicatam pendere ut summam pares,
Auferre puerum liceat.

MERCATOR.

An siclos placet

Accipere quinos insuper?

ZABULON.

Nil promotes.

MERCATOR.

Quid vana perdo verba? ... Bis denos dabo.

An ille meus est?

ZABULON.

Adde.

MERCATOR.

Nil addam amplius.

ZABULON.

Austerus emptor.

MERCATOR.

Frustra es.

SIMEON *ad Zabulonem.*

Ulterius piget

Hominem morari, Frater..I, puerum accipe;

Tuus est, tuumque tolle.

MERCATOR.

Vos pactos quoque

Accipite ficos, & dies longos, precor,

Valete.

N E P H T H A L I.

Summo qui præest cælo Deus,

Pharias tibi fortunet in terras iter.

MERCATOR *ad Josephum.*

Et tu priores pariter abscedens heros

Puer saluta.

J O S E P H U S.

Pareo : extremum mihi

Salvete : vobis gentis humanæ fator

Cœlique rector unus, ac mundi arbiter,

Qui vestram amicus usque tutatus domum est,

Adsit ; meisque dispares reddat vices !

Ast ille vester, ille tot fratrum parens,

Quem patris ipse coluit & amavit loco

Josephus, ævum placidus innocuum exigar.

L E V I.

Et nos precamur invicem, ut faciles tibi

Fortuna dominos semper & placidos pareat.



SCENA SEXTA.

JUDAS, SIMEON, LEVI, ZABULON,
ISSACHAR, ASER,
NEPHTHALI.

SIMEON.

O Nos beatos! hostis æternum exulat
Nobis timendus.

LEVI.

Esse securos licet,
Quid vana portent somnia.

ASER.

Haud deinceps domi
Delator aderit, cuncta qui referat patri.

NEPHTALI.

Proh! quale nobis, quam grave excussum est
jugum!

Nunc vita demum placeat.

JUDAS.

O utinam diu

Placere, fratres, possit : admissum est nefas ;
Sontes sed ultor sequitur à tergo Deus !

S I M E O N.

Hæc canere fata parce.

Z A B U L O N.

Sed quo Dan loco
Et Gad morantur ?

N E P H T H A L I.

Nempe commissas agunt
Uterque partes : hædulus vestem suo
Cruore tinxit : arte qua deceat patri.
Jam ferre tunicam, credo, pastorem edocent.

I S S A C H A R.

Fratres, Rubenum video.

S I M E O N.

Simulato est opus.



SCENA SEPTIMA.

RUBENUS, SIMEON, LEVI,
ISSACHAR, JUDAS, ASER,
NEPHTHALI.

RUBENUS.

TUmulo e propinquo turba pastorum
refert

Visum parentem. Mox reor coram affore.

JUDAS,

Mox genitor aderit ?.. cur sua cessit domo ?..

Seorsum. Occidimus !

RUBENUS.

Hæc me cura sollicitum tenet :

SIMEON.

Fratribus innuens ut sequantur.

Fratres , eamus obviam.

JUDAS *seorsum.*

Ah ! nemorum abdita ,

Imosque , si quos terra secessus habet,

Potius petamus.

SCENA OCTAVA.

RUBENUS.

Unde præcipitant fugam ?

Deus ipse , nostris , video , consiliis favet.

Instemus operi ; dum facit genitor moram ,

Fratrem e profundo dabimus ereptum specu.

*Aditus patescit. . . Itane dissimulant scelus ? *Accedis*

Puerum evocabo ; vocis agnoscat sonum.

ad cister-
nam quæ
apertam

Josephe mi , Josephe . . . Nil deinceps time : *videt.*

Vox hæc Rubeni est . . . vive , sursumque evola

En tendo funes . . . nemo respondet . . . tremor

Quatit æger artus . . . quodque præsentit ,

timet

Animus fateri Frater , eloquere ; ex

Pater :

Josephe . . . Nemo est . . . verba quid per-

do ? . . . patens

Cisterna , fratrum terror ac præceps fuga

An non satis loquuntur ? . . . actum est ;

occidit . . .

Agnosco , fratrum scelere Josephus perit !..
 Duri , feroces , perfidi , implacabiles ,
 Quo , quo fides , promissa , fas , pietas , amor
 Cessere ? quamquam temet auctorem
 increpa ,
 Rubene ; facinus hoc tuum . . . an fratrem ,
 impie ,
 Deferere decuit inter immanes feras ?..
 Heu me ! saluti dum tuæ invigilo acrius ,
 Ego te peremi , frater ! . . hoc credam tamen ,
 Quod nulla pietas , nullus inflexit dolor
 Animos feroces ? . . . Ibo patratum nefas
 Scrutabor . . . At quis ille ? quid petit ? . .

SCENA NONA.

RUBENUS , HIRAS ;

Cum tunica Josephi cruentata.

RUBENUS.

O bone ,

Quem quæris ? aut quo ? . . .

H I R A S.

Quæro Jacobum ; tibi

Num fortè visus?

R U B E N U S.

Quid manu gestas?

H I R A S.

Vide.

R U B E N U S *tunicam aspiciens.*Dubitas adhuc? nec cædis agnoscis notas?...
Satin' cruentam , barbari , explestis sitim?

Huc parricidæ ferte sanguineas manus :

Etiam hunc cruorem fundite... Infelix pater!

Quo luctuosum sobolis excidium tuæ

Luctu videbis ! Ipse quid agam ? quid
loquar?....

Sceleris vel insons dicar admissi reus !

Nam quî refellam dicta ?.. me vivum obruat

Tellus dehiscens ima... me... genitor subit

Occidimus ! . . . * Hinc tu triste portentum ** Ad
Hiram.*

amove:

Abscede.



SCENA ULTIMA.

JACOBUS, RUBENUS, HIRAS

cum tunica.

JACOBUS.

Nullis se mihi objiciet locis
Josephus ? ubi , ubi natus abstrusus latet ,
Rubene ?

RUBENUS.

Non hîc visus est , genitor.

HIRAS

*Vestem obtendens ; quam ne videat Jacobus , inter
utrumque medius Rubenus prohibet.*

Vide ...

RUBENUS *ad Hiram.*

Abiste.

JACOBUS.

Non est visus ? huc missus puer
Tamen est.

HIRAS *vestem ostendens.*

Vide ...

RUBENUS *ad Hiram,*

Tacebis?

JACOBUS *ad Hiram accedens.*

An referes nihil,

Amice-pastor? eade responsum, doces:

Josephus ubi sit,

RUBENUS

*Jacobum amovens, ne accedas ad Hiram propius,
quem quantum potest occulit.*

Genitor, aspectu abstine;

Per si qua pietas . . .

JACOBUS

Repugnante Rubeno accedens.

Cur reluctantem tenes?

Natum requiro . . .

RUBENUS

Recedens ad partem theatri Hiræ oppositam.

Hæu!

JACOBUS *ad Hiram.*

Loquere, tun' nosti?

H I R A S *tunicam obtendens.*

Vide;

Si fortè tunica, quem petis, gnati hæc foret?

J A C O B U S.

* *Tuni.* Quid video? . . . * solum hoc ergo de nato
caris acci-
pis. refers ?

Hoc restat unum ? . . . sic patri misero redis,
Infauſta ſoboles ! . . . Tunica Joſephi hæc
fuit,

Agnosco : ſimul & juge monumentum mei
Agnosco luctus . . . Turpis artifices doli
Hoc comparafſe non pudet fratri ſcelus ?

Huc perduelles recidit odiorum furor ?

* *Ad Ry.* * Aut redde natum, barbare; aut nato patrem
benum.

Adjunge.

R U B E N U S.

Me, me ſcleris auctorem putas ? . . .

Ille, ille ab alto qui vibrat fulmen manu,
Tristes ad umbras mittat infandum hoc caput,
Si . . .

J A C O B U S.

Nam quis igitur eſt nocens, ſi tu innocens ?

R U B E N U S.

RUBENUS.

Hoc ipse facti pariter ignarus modo
Scrutabar.

JACOBUS *ad Hiram.*

Ecquis ; fare , tibi vestem hanc dedit ?

HIRAS.

Reperi jacentem , sustuli , obstupui , attuli.

JACOBUS.

Peto parricidam , pessime.

HIRAS.

Hoc prorsus latet :

Nisi fortè puerum dira laceravit fera.

JACOBUS.

Natus cruentas sanguine explevit feras !

Nullusne tritâ pastor inventus via ,

Qui bonus amicam tenderet nato manum ?

Ubi tu, Rubene, lentus , ubi fratrum interim

Vecors inertes turba nec̄tebat moras ?

Ipse , ipse patria cur tuli imprudens domo

Exire puerum ? mittere invitus quidem

Videbar ; & seu fata Josephi ultima

Tacitum admonēbant, protinus sensi malum.

F

Natum insequor, perquiro ; sed sero heu !
nimis :

Perierat, avidas paverat natus feras !...

Amice pastor, dic ubi exscum jacet

Pueri cadaver ? ibo, reliquias legam,

Artusque laceros ultimùm amplexu fovens

Rigabo lacrymis : si qua nunc etiam fera est

Impasta, nostro sanguine exfatiet famem.

RUBENUS.

Ah ! vive, genitor ; vel prius cunctos jube

Perire natos : possumus tecum mori ;

Ni vivis, ultra vivere haud ullus velit.

JACOBUS.

Heu ! vita miserum, nate quid patrem juvet ?

Quodcumque deinceps lucis invisæ traham,

Hoc sibi cruentus vindicat totum dolor ;

Novique crescent in novos luctus dies.

Tu magne cæli rector, Abramidum Deus ;

Humana solo fata qui nutu geris,

Ignosce, quidquid gravius infelix patens

Exprompsit ! istas si patrem meritum vices,

Natosque visum est plectere ; en ultro ob-
sequens

Vel sævientem adoro & amplector manum :

Ac si piandum restat ulterius nefas,

Adsum, paratus quidquid ingruerit pati.

Finis Actûs tertii & ultimi.



